

**Ka tū te pōtitanga kaunihera ā-rohe ki Te Papaioea hei te Rāhoroi, te 12 o Whiringa-ā-nuku 2019. Ka pōti ngā kaipōti ki te whakatū i te Koromatua me ngā Kaikaunihera 15.**

### He aha ngā mahi a te Kaunihera?

Ka rite tonu te hui a te Kaunihera ki te whakatau i ngā take maha e pā ana ki ngā āhuatanga noho o ia rā o ngā tāngata o Te Papaioea. Ka whakahaere te Kaunihera i te whānuitanga o ngā momo ratonga pēnei i ngā huarahi, ngā pūnaha wai, te kohikohi para, ngā whare pukapuka, ngā wāhi tākaro, ngā pokapū hapori, te rēhita kurī, te whakawhanake hapori, ohanga hoki me te whakamahere ā-tāone.

### Ko wai ka taea te whakatū ki te kaunihera?

He huarahi ngā pōtitanga e taea ai e ngā kaipōti te kōwhiri tētahi Kaunihera e whakakanohi ana i te whānuitanga o ngā momo tirohanga kei roto i tō tātau hapori.

E uru mai ai koe hei kaitono i te pōtitanga, me noho koe:

- He kirirarau nō Aotearoa, Ā,
- Kua rēhitatia koe hei kaipōti (nō reira me 18 tau, pakeke ake rānei koe), Ā,
- Kua tautapatia koe e ngā kaipōti tokorua nō Te Papaioea.

Ka kati te wā tautapa hei te **Rāmere te 16 o Hereturikōkā** hei te 12 karaka i te ahiahi.

### Ko wai mā ka āhei ki te pōti?

Ko te hunga anake kua rēhita mai hei kaipōti. Ka taea e koe te rēhita mai me te pōti, mehemea:

- Kei te 18 tau ke, pakeke ake rānei, Ā,
- He kirirarau koe nō Aotearoa, he kainoho tūturu rānei, he kaipupuri rānei i te pane uruwhenua noho, Ā,
- Kua noho mai koe ki Aotearoa mō te kotahi tau, nuku atu rānei, i tētahi wā.

Mehemea nō ngā Kuki Airani koe, nō Niue rānei, nō Tokelau rānei, nō Ahitereiria rānei ka taea te rēhita mai ina ka eke ki te 12 marama koe e noho ana ki Aotearoa; ehara i te mea me whai pane uruwhenua noho ki te rēhita me te pōti.

**E rēhita mai ai koe, me toro ki [vote.nz](http://vote.nz) me waea rānei ki 0800 36 76 56.**

### Me pēhea te pōti:

Ka tukuna tētahi kōpaki pōti mā te mēra hei te Mahuru ki ngā tāngata kua rēhita. Kei te kōpaki pōti nei ko ngā tohutohu mō te whakakī i te puka pōti.

He tino haumarua te pōti ki Aotearoa, ka puritia tō pōti kia tino matatapu mō ake tonu atu. Kāore koe e whakamahia ki te whāki atu ko wai mā tāu i pōti ai, māna ka whiriwhiri koe ki te whāki atu.

### Ko ngā rā matua mō ngā kaipōti

#### Rāmere te 20 o Mahuru

Ka tukuna atu ngā kōpaki pōti mā te mēra, ka tuwhera te pōtitanga

#### Rāhoroi te 12 o Whiringa-ā-nuku

Ka kati te pōtitanga hei te 12 karaka i te ahiahi

#### Rāpare te 17 o Whiringa-ā-nuku

Ka pānuitia ngā tatauranga whai mana

### Mō te āwhina, mō te pārongo rānei

Kia rēhita mai ki te pōti: me waea ki 0800 36 76 56 me toro rānei ki [vote.nz](http://vote.nz)

Kia āwhinatia ki te pōti, mō ngā pātai rānei e pā ana ki te pōtitanga: **me waea ki 0800 300 126**

Ka taea te toro mai ki te taupaepae o te Whare Kaunihera, ki te Pokapū Iwimaha o Manawatū rānei ki te tono āwhina.

